



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Titvli Canonvm.

urn:nbn:de:hbz:466:1-15221

NOTA IACOBI SIRMONTI
SOCIETATIS IESV.

¹ *Post excessum beatæ Radegundis.*] Obiisse feria quarta die 13. Augusti beatam Radegundem omnes consentiunt, eumque Childeberti annum fuisse duodecimum auctor est Gregorius Turonensis libro 9. cap. 2. Et feria porro, & annus Childeberti, annum Christi prorsus indicant 587. Quare hoc anno illam obiisse statuendum est. Qui enim ad annum Christi 592. eius obitum reiciunt, non animadverunt ipsam Gregorii historiam, cum in 16. Childeberti anno desinat, ad hunc quem volunt annum Christi non procedere. Qui ergo potuit Radegundis mortem, cui interfuit, tot ante annis commemorare, si nondum obierat? Maneat ergo, & anno quo diximus excessisse, & tumultum hunc monialium, qui biennio post secutus est, in annum Christi 589. incidisse, quem adscripsimus.

^a CONCILIVM ^b NARBONENSE

¹ RECCAREDI GOTHORVM IN HISPANIA
regis tempore celebratum, sub die Kalendarum No-
uembrium, æra DCXXVII. hoc est ^a anno Christi DXXCIX.
Pelagii iunioris papæ XII. Clotarii II. regis VI.

TITVLI CANONVM.

- | | |
|---|--|
| I. Vt clerici purpureis vestibus non induantur. | clesiæ utilitatem egerit, gradu deiciatur. |
| II. Vt in fine cuiusque psalmi, & per intervalla maiorum, gloria dicatur. | VIII. Vt clericus qui de rebus ecclesiæ fraudem fecerit, restituat, & pœnitentiæ subiiciatur. |
| III. Vt clerici per plateas non se-deant, nec confabulentur. | IX. Vt Iudæis mortuos suos psal-lendo deducere non liceat. |
| IV. Vt dies dominicus ab omnibus observetur, & nulla eo die fiant opera. | X. Vt clericus episcopo non obediens stipendio careat, & communione priuetur. |
| V. Vt clerici a conspirationibus abstineant, & qui inferioris sunt gradus in superiorem ne in-surgant. | XI. Vt absque literis qui est idiota non ordinetur. |
| VI. Vt cum clericis, qui ob culpas in monasterium retruduntur, sic agat abbas, ut ab episcopo fuerit constitutum. | XII. Ut nullus clericus, dum Missa celebratur, de altario ante finem egredi audeat. |
| VII. Vt clericus qui adversus ec-cil. Tom. 13. | XIII. Vt clerici omnes senioribus suis subiaceant, & illis exeunti-bus, atque ingredientibus vela sublevent. |

T

XIV. *Vt qui sortilegos consulunt
excommunicentur, & pecunia
multentur: qui vero sortes fa-
ciunt, venundentur, & precium*

pauperibus erogetur.

XV. *Vt quinta feria, nisi aliqua fe-
stiuitas in eam incidat, feriari &
cessare non liceat.*

ANNO
CHRISTI
589.

P R Æ F A T I O.

IN nomine Domini nostri Iesu Christi. Anno feliciter quarto regni domini nostri gloriosissimi Reccaredi regis, Narbonæ, Migerius, Sedatius, Benenatus, Boetius, Pelagius, Tigridius, Agrippinus, & Sergius, episcopi Galliarum prouinciæ, Concilia sanctorum antiquorum patrum, vel decreta obseruare cum Dei timore cupientes, nos in vrbe Narbona, secundum quod sancta Synodus per ordinationem gloriosissimi domini nostri Reccaredi regis in vrbe Toletana definiuit, die Kalendarum Nouembris Deo auspice in vnum conuenimus, & aliquanta, quæ iuste & pie sunt edita, & per patrocinationis potestatem non supplebantur, ad memoriam nunc temporibus Domini nostri sub præfationibus deducentes recapitulare fecimus: & quæ pro regula, & fidei catholicæ disciplina adhuc visa sunt, communi tractatu elegimus conscribenda, & Canonibus definiuimus adiungenda: quæ tenore capitulorum subsequenter euidenti iure declarantur.

C A N O N E S.

I.

Hoc regulariter definitum est, vt nullus clericorum vestimenta purpurea induat, quæ ad iactantiam pertinent mundialem, non ad religiosam dignitatem; vt sicut est deuotio in mente, ita & ostendatur in corpore: quia purpura maxime laicorum potestate præditi debetur, non religiosi. Quod si quis non obseruauerit, velut transgressorem legis coercendum.

II.

Hoc itaque definitum est, vt in psallendis ordini-